


DOCUMENTATIECENTRUM
NEDERLANDSE POLITIEKE
PARTIJEN



Program van de Grönneger Bond



Program van de Grönneger Bond

1. INLAAIDEN

Wie vinnen, dat t Riek te veul te vertellen het in Grönnegerlaand.

Wie mainen, dat de overhaid dr an mitwaarken mout om de positie van de Grönneger toal te verbeteren.

2. GRONDSLOAGEN

De G.B. is veur n demokroatische en federalistische stoatsinrichten in Nederland, in Europa en in de wereld. N demokratie leeft allain as de legere bestuursainheden voldounde macht hebben.

N hoger bestuursorgoan mag doarom nooit doun wat legern net zo goud of beter doun kinnen.

De G.B. wil stoan veur de Grönneger belaaingen en wil doarom waarken veur d ekonomische en kulturele ontwikkeln van Grönnegerlaand.

De Grönneger toal mout, zo wied as dat van d overhaid oafhaangt, ale meugelkheden kriegen om zok t ontvullen.

3. PERVINSIOAL BESTUUR

De Pervinsioale Stoaten mouten meer bestuurlijke zeggenschap kriegen.

De Pervinsioale Stoaten mouten heur aigen veurzitter kaizen, dij tougeliiks veurzitter van Depu-taaierte Stoaten is.

De aais van goudkeuren deur de Kroon van de pervinsioale begroten en van ale pervinsioale besloeten en verordens mout vervalen.

Allain stried mit de wet mag laaiden tou t vervalen verkloaren van pervinsioale besloeten en verordens.

De pervinsie mout in begunsel financiëel onafhankelk wezen.

4. GEMAINTEN

Ook de gemainten mouten meer aarmslag hebben. In begunsel mouten zai financiëel onafhankelk wezen.

De gemainteroad mout zien aigen veurzitter kaizen.

5. LAANDSCHOP, REKREOATIE, OMWERELDZORGE

Ons Grönneger laandschop mout mit de grootste zörge bewoakt worren. Bie noodzoakelke ingrepen mout dr in t veuren om dochd worren dat t laandschop zo min meugelk schonnen wort.

Ons laandschop het n rekreatieve funksie. Bie t moaken van wat veur plannen ook mout daarom dochd worren.

De NAM mout tr tou verplicht worren om om zien gasputten n raande bos te poten zodoanig dat de putten ook bie nacht nait meer zichtboar binnen.

Wonenbaauw mout ploats vinnen bie en in harmonische aansloeten op de bestoande dörpen en steden.

D olle dörpsnoamen mouten bestoan blieven, ook as twij gemainten aine worren. Draaigen twij dörpen an n anner te gruien den mout tr n gruinstroke tussen moakt worren as oafschaaiden. Onze strnatnoamen mouten zo aigen meugelk wezen.

In Westerwolle mout gain militair teraain komen.

Veur de daaiern, dij in ons pervinsie nog in t wilde leven, zellen pervinsioale wildruststeeden inricht worren mouten, dij verboden binnen veur minsen.

T ontougaankelk moaken van rekreatiegrond deur partikulieren mout tegengoan worren.

Dr mout mit kracht an waarkt worren dat onze verwoelde pervinsie weer schoon wort. Gain nije foabrik mag hier baauid worren, dij kwoad dut an onze grond, onze locht of ons woater. Bestoande foabrieken zellen schoon worren mouten.

Binnen zo kört meugelke tied zellen dr alerwegens drij-trees-klins-installoaties baauid worren mouten zodat tr gain drup voel woater meer in ons opperflaktewoater komt.

Aal ons vaast oafvaal mout verwaarkt worren deur de VAM. Störten in of op onze grond deur gemainten of partikulieren mout verboden worren.

Zo neudig mouten foabrieken, dij oafvaal as grondstof bruken (ol papier, olle metoalen), financiël holpen worren.

Wat wie nog hebben an binnenscheepvoartwegen mout nait dicht gooid, mor dainstboar moakt worren an de rekreatie in de förm van woater-, ies- en vis-sport.

6. INDUSTRIALISOATIE

De pervinsie mout in t roam van d ekonomische politiek van Riek of Europese overheden t praktische belaid aanpazen kinnen an onze ekonomische, moatschoppelke en kulturele belangen.

T pervinsioal bestuur is verantwoordelk doarveur, dat onze kinder, dij dat willen, in Grönnegerlaand waark vinnen kinnen. Doarom dragt ons pervinsioal bestuur ook d eerste verantwoordelkhaid veur d industrialisoatiepoletiek.

Ook in kleinere plaatsen kan industrialisatie
winkeln wezen. Daarvoor kunnen ook bepaalde maat-
regelen neudeg wezen.

7. AGROARISCHE- EN MIDDENSTAANDSPOLETIEK

Grotere desentralisatie in de agroarische- en mid-
denstaandspoletiek is neudeg.

Der moet naar toe waarkt worden dat d EG zokzulk
veurzain kan van agroarische produkten. Produktie-
overschotten van anere landen moeten nait in d EG
d markt bedaarven.

Bie laandaanwinnen en anere roemtelke projekten
moet reken hollen worden mit d agroarische belaan-
gen.

T gezonde boerenbedrief moet n goud bestoan geven
aan boer en laandaarbaider.

Ook t gezonde middenstaandsbedrief - in de kleinere
dorpen net zo goud as in de grotere plaatsen -
moet, zo wied as dat van d overhaid oafhaangt, goie
meugelkheden hebben.

Bie opheffen van agroarische- en middenstaandsbe-
drieven moeten goie oetkerens geven worden.

8. VERKEER EN WATERSTOAT

T pervinsiaal bestuur moet mitzeggenschap hebben in t
riekswegenplan.

Bie d aanleg van wegen, benoam ook bie wegen van meer
lokaal belang zel reken hollen worden moeten mit
laandschoppelke en agroarische belangen.

D inkomstens van t wegenfonds moeten te goude komen
aan ale wegen.

Spoorwegen en buslienen mouten nait aaltied ten koste van enorme belastensommen in staand hollen worren. As de belangen net zo goud daind worren mit goudkopere oplözzen mouten dij kozen worren.

De vrijheidsdrang van t individu, dat nait bonnen wezen wil an vaaste tieden en ploatsen, moakt dat de aigen auto n kostbaar bezit is. Doar mout reken mit hollen worren.

In lutje woaterschoppen komt de demokratie beter tot zien recht as in groten. Zunder goie gronden maggen ze doarom nait opheven worren. As regel zel soamenwaarken in n federoatie beter voldoun.

9. MIENBAAUW EN ENERGIEVERZORGEN

T pervinsiaal bestuur mout mitzeggenschap hollen in t verlainen van konsessies tou eksploitoatie van grondriekdommen. N dail van de overhaid sinkomstens doaroot komt d pervinsie tou.

Ook in t vaaststellen van de priezen, benoam met t oge op de waarkgelegenheid in Grönningerlaand (industrialisatie, mor ook bloum- en gruintekwekerij), mout t pervinsiaal bestuur mitzeggenschap hebben.

Veur de schoade, dij, vot of loater, ontstaat deur t zuiken of oet de grond hoalen van grondriekdommen, mout n reële vergouden geven worren.

Benzinepries in Grönningen mag nait hoger wezen as in Hollaand.

10. KULTURELE SUBSIDIEPOLETIEK

De overhaid mout kulturele ondernemens financiëel helpen as t partikulier initiatief doar zunder t nait nait redden kin.

11. RADIO EN TV

Dr mout n Grönninger radio- en TV-dainst komen

woarvan de laaiden allain verantwoordelik is an n road benuimd deur Pervinsioale Stoaten. De dainst mout de beschikken hebben over de luster- en kiekelden, dij in Grönnen opbrocht worren.

12. SPORT

Sport mout n belangrieker stee in t onderwies kriegen.

Sportakkomodoatie mout, as dr verlet om is, deur de gemainten betoald worren.

De semiprofvoutbaalverainens F.C. Grönnen en Veendam mouten as t aits kin, desnoods mit pervinsioale en gemaintelke hulpe, bestoan blieven as passieve rekreatie-objekten.

Dr mout noar streefd worren om t stelsel, dat bie de bekerwedstrieden gelt, ook bie kompetitiewedstrieden tou te pazen. Elke verainen mout dus d helfte van d opringst van elke wedstried kriegen. Dr mout op zotterdag speuld worren om ook lu, dij op zundag nait willen om wat veur reden cæn ook, de gelegenhaid te geven om de wedstrieden bie te wonen.

13. ONDERWIES

In t roam van de wettelke regels over de geliekstellen van openbaar en biezunder onderwies en mit inachtnemen van de vrijhaid van schoulkeuze mout de pervinsie zeggenschap kriegen over d inrichten van t onderwies in Grönnegerlaand.

T onderwies in Grönnegerlaand mout pazen in de Grönneger situatie, zodat veurkomen wort dat Grönnen in twij n anner vrömde kultuursferen verdaild wort. Onderwies in baaide toalen is doarom neudeg.

T bovenstoande gelt veur t haile onderwies an d universiteit tou. Bie d oplaaiden van leerkrachten mout doar reken mit hollen worren.

Pervinsie Grönnen mout mit d aner pervinsies, dij studinten levern, d hoogste zeggenschap hebben over d universiteit in Stad.

Bie tekört an ploatsen mouten studinten oet t noorden en oosten van t land veurgoan.

14. TOALPOLETIEK

Pervinsie en gemainten mouten aktief wezen op t stok van de Grönneger taal.

Pervinsioale Stoaten mouten zo gaauw meugelk de spellen van t Grönnegers regeln.

Aal t overhaidspersoneel in Grönnegerlaand, dat mit publiek in aanroaken komt, mout onze taal beheersen. Dat gelt ook veur de rechtsproak. Veur ambtenoaren, dij onze taal nait beheersen, mout de meugelkhaid bestoan om dij te leren.

NOASCHRIFT

Oet t bovenstoande kin Ie in grovve lienen zain hou de Grönneger Bond dizze en anere, veur Grönnen belangrieke, zoaken aanpakken wil.

Dit program is n minimum. Wil Grönnen nog toukomst hebben den kin wie mit minder nait tou.

Wie zellen in dizze richten aarbaiden as peerden en rieten as honnen en wie hopen dat Ie mit ons aarbaiden en rieten willen.

Dij ons helpen wil - en welke goie Grönneger zol dat nait willen? - kin zok opgeven as lid of as donateur (stieper).

Wie hebben n vrijblijvende regeln veur t joarledengeld, dij dus bloots as richtliene daint.

Dij is zo:

Belastbaar joarinkomen an f	15.000,--	tou f	5,--		
van f	15.000,--	an "	30.000,--	tou "	10,--
van "	30.000,--	an "	60.000,--	tou "	25,--
meer as "	60.000,--			"	50,--

Ons adres:

Bocht Oosterdaip 52,
Veendam.

Ons telefoonnummer:

05987 - 4181.

Ons gironummer:

875844.

En veur wel dat nait wait:

Biedroagen an Joen Grönneger Bond binnen oaftekr-
baar veur d Inkomstensbelasten in de kategorie
Giften.